

臺灣外志卷之十一

何斌獻策取臺灣

黃公密疏遷五省

順治十七年庚子

附永曆十四年

正月偵者飛報將軍達素滿驛首程已

到福州叻集諸提鎮參軍議曰彼因江南之敗欲乘我喘息未
定前來攻擊俟彼整船調兵必于五月斯時南風正盛江浙沙
船未必敢出惟慮粵東而已周全斌曰粵東船隻六槽八槽只
好守港若出汪洋非彼所長至於碣石之獲利南洋之許龍雖
然陽奉亦戀棧之馬耳豈敢離其巢壳若漳泉之師分頭敵之

必可破也。功曰：爾料誠當。隨馳檄南澳忠勇侯陳霸準，備船隻。

防敵。賴利許龍又另檄銅山中匡伯張進出，煩船于宮仔前進。

颺以作南澳援師，謹守八尺門炮臺，以備陸路渡江。二月成功。

令工官馮澄世兼工修整諸戰艦，備敵。又調南北汛各提鎮到

廈門，聽令三月將軍達素到泉州，會總督李率泰提督馬得功。

海澄公黃梧就泉，各港之石碼。海澄造烏船，煩船塢剿兩島。

又知會兩廣總督李棲鳳、碣石總兵賴利、南洋總兵許龍、饒平。

總兵吳六奇，又調寧波溫台各港船隻。下時有總督旗牌張應。

熊密領率秦孔雀膽一枝往廈門與其小功弟德在成功處為
厨子謀欲乘其會諸將議事要用點心時一齊毒死德雖喜富
貴之陟然奈心中終懷疑畏遂將其事轉托徒弟王曰四大喜
許之德隨告病在家等候王四於成功會議取點心時每欲下
藥則渾身寒戰又候捧者環立迫催下之弗及迫其取去則心
安如此者屢四甚恐怖乃歸告其父耀耀大驚曰事主而害之
不忠也受而背之不信也寧為負信不可不忠覆宗滅嗣豈
可為之宜速首無罪即同四持孔雀膽告成功功曰吾乃天生

豈人能害重賞耀與四即差護衛擒德全家德到底首無言惟

叩首稱該死欲擒其兄應熊供稱已去三日矣功令發出教場

令武士萬箭射死後應熊偵知報率泰泰嘆曰謀事在人成事

在天果不虛也厚賞應熊火催各港速整船隻以候會剿四月

成功改建威伯右提督馬信為提督驍騎親軍同忠定伯林習

山守裂嶼以輔明侯林察為水師總兵衝鎮蕭拱宸等任崇

武樂泉港水師二十六日報泉港水師船二百餘號出到祥芝

灣陸兵登岸其船傍山邊而行來泊圍頭兵仍劄營功隨差

快哨馳令與林寨將所帶戰船回泊劉五店禦正圍頭水師勿
使入同安港戎政王秀奇楊朝棟總督高崎等處宣毅左鎮黃
安協同兄泰守金門城仔角右虎衛陳鵬遊兵鎮胡靖殷兵鎮
陳璋守五通高崎陸路援剿後鎮張志為水師應援宣毅前鎮
陳澤毅後鎮吳豪守倒流寨中衛鎮劉俊守嶼仔寨智武鎮顏
望忠守赤山坪右衛鎮蔡祿守東渡寨仁武鎮康邦彥守神前
後衛鎮黃安左衛鎮郭義前衛鎮劉巧援剿前鎮林明往同安
港遊颺邀敵聞安侯周瑞忠靖伯陳輝援剿右協楊元援剿

右鎮林順正兵鎮楊富護衛右鎮鄭仁泊南山邊以防海澄出來之師前提督黃廷右武衛周全斌援剿左鎮黃昌率趕繒船十隻內裝硝磺標麻火器之類寄泊狗子與劍石以脩燒船着英兵鎮陳瑞保護家眷暨諸提督文武者又曉諭廈門兵民婦女撥水師洪善等船盡載過裂與金門而空廈與功率陳克業洪天祐戴捷薛進思等在鼓浪與尾觀敵發令撥洪旭在鎮海旗尾接應時總督李率泰正知會將軍達素提督馬得功海澄公黃梧同安總兵施琅各港齊出師合攻兩島營偽鎮石

虎衛陳鵬差人密款奉令守高崎地方欲放空炮接五通師渡
過廈門廈門得則成功遊魂易於撲滅率泰納其降即飛催粵
師合擊五月初八日滿漢官兵悉配在船俱約初十日齊出是
日黃梧督諸船乘潮落出海門功方遣陳克策持令箭坐快哨
遍傳各鎮船不許擅自起碇當看藩王帥船號炮連發方許起
碇迎敵如違者斬正傳到周瑞煩船而海門師大至克策不及
馳去與瑞督衆戰戰逾時被火藥所焚全船沉沒維至陳輝輝
揮衆死併損傷過半輝見勢危情急下艙發火其環跳過船者

適逢艙中火藥沖起燒死甚衆餘卒疑為計也咸不敢過輝得
乘遲疑欲斷旋素逸出成功見周瑞船已焚死陳輝傷損棄旋
而黃梧率舟師雲至功執旗劍顧問左右曰流平否左右答曰
流已平矣成功曰流平則潮轉潮轉則風隨之速發火炮俾諸
船起旋迎敵遂連發三炮諸船得令盡起各發斗頭煩功囑何
義守坐駕自下八槳快船來往催戰時遇午潮湧風發四處聲
進而鄭泰又令水師鎮蔡叶吉率趕繒船二十隻從浯嶼繼進
合馬信洪旭黃廷林順周全斌等諸大船於鼓浪嶼後象鼻前

橫攻焚殺梧船風不利潮又逆互相觸壞眩吐昏迷強立不定
遂潰僵屍滿海有船三隻見去與欲籠岸舵公不允衆疑有異
心殺之登岸遙望乃海中孤嶼是絕地也欲再下船成功舟已
蟻至無奈抽矢出刀據岸拒之功見有四百餘衆遣馬信折箭
為誓招之諸人計窮乃投刀天降後亦被成功溺于海其出同
安港將軍達素總兵施琅駕船登高崎以應陳鵬約但鵬謀逆
誠全鎮部將人僉名號獨不通知其左營陳蟒以蟒樸寔故也
我師恃有約船未到岸各爭先下值蟒一隊站近水見滿漢兵

皆已棄船登岸勢危不俟號令即率其所部向前我師意為來迎不防蟒發炮死者過半殿兵鎮陳璋聞炮响以為陳鵬發令亦喊聲合擊水師吳豪率船抄其後圍攻所有先鋒船隻悉沉水陷于渾十僅三歸而已鵬愕然計左亦揮領兵林雄領旗協劉雄前衝營劉俊亦從東擊下遂大勝報捷成功知陳鵬有謀未敢聲破恐其急變反密遣洪旭前去稱賀以安其心旭得令挑選健將二十猛坐小快哨一隻由竹坑抵高崎離有里許上岸鵬左右報旭至出接見旭從者二人旭又深揖恭賀以得非

常勲勞贊其用賺兵半渡而擊之計雖古名將不過是也稱羨
不絕口鵬以為機關未洩談笑自若設筵款待酒畢旭告辭出
而不即行停步營前指其所擊之處搖頭咋舌稱其功真大焉
又說潘令概不許起旋致閩安侯五軍之死行三五步止又大
贊潘主料風起必從潮主問潮平發炮一戰遂勝真神算也又
行三五步停止回顧鵬左右數十好僕佩大刀隨之旭冷笑曰
吾與爾鎮主交最厚今日到營拜賀大功不過爾鎮主見我遠
來步送江邊未盡之談再為纏綿何用佩刀跟隨鵬聞說亦笑

退其左右只存管家一人而已旭又行又停步又高談如却瓶中之水涸涸不竭直賺至江邊作揖相辭而舟中二十猛士飛奔擒鵬下船駕駛而去迨營中望見欲起來救業到半江軍士昂沸殿後鎮陳璋同刑官程應瑞至營出成功諭僅數鵬通謀罪狀與衆無干軍乃定旭解鵬至成功問以縱敵渡江若非璋與璋則今日之地已屬他人矣鵬啞口成功遂出鵬于教場令寸磔以示衆擢陳璋為右虎衛統其軍何義為左虎衛陳璋為宣毅左鎮六月發諸鎮眷口並百姓婦女回廈門偵報粵師吳

六奇遣其左營馬嵩帶兵至潮州劄於韓祠之左為刺客所殺
蘓利許龍船雖出港見南灣有備未敢進前惟遊颺觀望迨報
聞師失利亦各斂軍還成功雖喜大勝終苦彈丸兩島難以抗
天下兵集洪旭馬信黃廷王秀奇陳輝楊朝棟林習山吳豪馮
澄世蔡鳴雷薛聯桂陳永華等商議若得有一處方可以進戰
退守諸人無以應但持南北固守為對功曰吾聞臺灣離此不
遠意欲整師奪踞何如吳豪曰臺灣前乃曠野故太師曾寄蹟
其間

太師指
芝龍

今為紅毛所踞現築城二座一在赤嵌一在鯤身臨

水設炮臺又打沉夾板數隻紆迴曲折於內港凡船欲入者必
由炮臺前經過若越此則船必觸犯沉夾板而破堅固週密將
三十餘載取之徒費其力成功聞言亦中止七月成功遣兵官
張光啓往日本借兵十月將軍達素回京成功欲整師下粵報
原浙江監國魯王殂于金門同兵部侍郎王忠孝禮葬于後浦
十一月出使日本張光啓回稱上將軍以其前出兵損失堅意
不允僅助銅煩鹿銃倭刀而已

順治十八年辛

附永曆
一十五年

五月徐孚遠從滇歸而粵東路阻趨

龍門之安南安南國王欲孚遠以臣禮見孚遠說係天朝使者
守節不屈亦懷成功威不敢加害禮重之置船送孚遠回見成
功陳說二劉中途連亡

二劉指九
皋之清也

惟周金湯與孚遠至永安見帝帝

命李定國出師戰敗孫可望投誠帝被吳三桂所逼議欲走緬
甸成功聞之歎歎嘆息而心愈煩適臺灣通事何斌侵用撥一
王庫銀數十萬懼王清算業令人將港路密探於元夕大張花
燈烟火竹馬戲綵歌妓窮極奇巧請王與酋長卜夜歡飲斌密
安雙帆并艍船二隻泊于附近俟夜半潮將落斌假不勝酒又

作腹絞狀出如廁由後門下船飛到廈門叩見成功功問其來
意斌曰臺灣沃野數千里寔霸王之區若得此地可以雄其國
使人耕種可以足其食上至鷄籠淡水硝磺有焉且橫絕大海
肆通外國置船輿販桅舵銅鉄不憂乏用移諸鎮兵士眷口其
間十年生聚十年教養而國可富兵可強進攻退守真足與中
國控衡也遂出袖中地圖以獻歷歷如指諸掌並陳土番受紅
毛之苦水路變易情形若天威一指唾手可得成功聞其言觀
其圖却如六月中暑得服涼劑沁入心脾滿心豁然起撫何斌

背曰此殆天之使公授予也自當重報汝勿揚聲吾自有成算
留斌於內人莫知焉

評曰誰料為將盡翻然一着奇深藏出意外晝夜使人疑
成功既納何斌之言又詳閱其圖知水路不從炮臺前經過胸
中已有成算次日大會諸侯伯提鎮叅軍等文武議事功曰自
攻江南一敗

清朝欺我孤軍勢窮遂會南北舟師合攻幸賴
雖然
已敗但恐終不相忘故每夜徘徊籌畫知近附無可指足惟臺